

आकाशवाणी

खबरां ----

1 विदेश सचिव विनय मोहन क्वात्रा होंरें आखेआ ऐ जे प्रधानमंत्री नरेंद्र मोदी ते रूस दे राष्ट्रपति ब्लादीमीर पुतिन होर दौनें मुखें दे मते आयामी रिश्ते दी समीक्षा करंगन।

2 भारत नै रक्षा उत्पादन दे क्षेत्र च सदा कोला मती बढ़ोतरी दर्ज कीती। प्रधानमंत्री नरेंद्र मोदी होंरें मुखे गी 2023-24 बरे च रक्षा उत्पादन दे क्षेत्र च हुने तोड़ी दे सब्बनें शा बद्द विकास दर हासल करने लेई मुबारख दिती ऐ।

3 राष्ट्रपति द्रौदी मुर्मू होंरें दिल्ली दे राष्ट्रपति भवन च रक्षा अलंकरण समारोह 2024 दे पैहले गेढ़ च बहादुरी पुरस्कार भेंट कीते।

4 प्रधानमंत्री नरेंद्र मोदी होंरें ओलंपिक लेई पेरिस जा रदे भारतीय दल कन्ने गल्लबात कीती।

5 केंद्री मंत्री डॉ. जितेंद्र सिंह होंरें भारत-फ्रेंच जिगर दे रोगें दी रोकथाम ते इलाज लेई इंडो फ्रेंच लिवर ते मेटाबालिक डिजीज़ नेटवर्क दी नमीं दिल्ली च शुरूआत कीती।

<><><><><><>

**MEA-PM Visit**

22मां भारत-रूस सालाना शिखर सम्मेलन रक्षा, बपार, निवेश, उर्जा, शिक्षा, विज्ञान ते टेक्नोलाजी संस्कृति ते लोके-लोके बश्कार रिश्ते पर मुख तौरा पर ध्यान केंद्रित करोग। विदेश सचिव विनय मोहन क्वात्रा होंरें अज्ज नमीं दिल्ली च एह जानकारी दिती। सोमवार थमां प्रधानमंत्री नरेंद्र मोदी हुंदी त्रै रोजा रूस ते आस्ट्रिया दी जातरा पर श्री

कवात्रा होरें आखेआ जे प्रधानमंत्री मोदी ते रूसी राष्ट्रपति व्लादिमीर पुतिन दौनें मुखे बशकार मते पक्खे आहले सरबंधे दी समीक्षा करंगन। उनें आखेआ जे दौनें लीडर ब्रिक्स, शंघाई सहयोग संगठन, जी-20, पूर्वी एशिया शिखर सम्मेलन ते संयुक्त राष्ट्र च दपक्खी सरबंधे दा बी आंकलन करंगन। कवात्रा होरें आखेआ जे दौनें लीडर आपसी हितें दे समसामयिक क्षेत्रीय ते कुल संसारी मुद्दे पर बी चर्चा करंगन। विदेश सचिव होरें आखेआ जे प्रधानमंत्री होर मास्को च भारतीय समुदाय कन्ने गल्लबात करंगन। उनें आखेआ जे भारत ते रूस बशकार इक खास सांझेदारी ऐ जेड़ी केई भू-राजनीतिक चुनौतिएं दे बावजूद बनी दी ऐ। दपक्खिया बपार पर श्री कवात्रा होरें आखेआ जे माली बरे 2023-24 च एहदे च तेजी कन्ने बढ़ौतरी दिक्खी गई ऐ ते एह मुख रूप कन्ने उर्जा सहयोग दे करी 65 अरब डालर तगर पुज्जी गेआ ऐ। रूस थमां भारतीय आयात 60 अरब डालर दे कोलकश ऐ जिल्लै के निर्यात 4 अरब डालर दा ऐ। प्रधानमंत्री नरेन्द्र मोदी हुंदी आस्ट्रिया यात्रा पर विदेश सचिव होरें आखेआ जे प्रधानमंत्री मंगलवार ते बुधवार गी आस्ट्रिया दी यात्रा करंगन। उनें आखेआ जे श्री मोदी आस्ट्रिया दे राष्ट्रपति अलेक्जेंडर वान डेर बेलेन ते आस्ट्रिया दे चांसलर कार्ल नेहमर हुंदे कन्ने गल्लबात करंगन। उनें आखेआ जे दौनें मुखे बशकार दपक्खिया सरबंधे च पिच्छले किश बरे च प्रगति होई ऐ।

<><><><><><><>

## **PM-Defence**

प्रधानमंत्री नरेन्द्र मोदी होरें मुखे गी 2023-24 बरे च रक्षा उत्पादन दे मुल्ले च हुनें तोड़ी दे सब्बनें शा बद्द विकास दर हासल करने गितै ममारखां दितियां न। इक सोशल मीडिया पोस्ट च श्री मोदी होरें इस गी हौसला बढ़ाने आहला पड़ाह दस्सेया। उनें इस गितै योगदान देने

आहलें गितै सिफ्त कीती। उनें आखेआ जे मुल्खै गी अगुआ वैश्विक रक्षा उत्पादन केंद्र बनाने गितै सरकार साथ-सहयोग ते साजगार माहौल ते क्षमताएं गी होर बेहतर बनाने गितै बचने-बज्झी दी ऐ। उनें आखेआ जे इस राएं देश दी सुरक्षा क्षमता ते उपकरणों गी बेहतर बनाने ते भारत गी आत्मनिर्भर बनाने गितै बत पदरी होग।

<><><><><><>

### **Rajnath-Defence**

भारत नै 2023-24 बरे च रक्षा उत्पादन दे मुल्लें च अज्जै तोड़ी दी सब्बनै शा बद्द विकास दर दर्ज कीती ऐ। 2023-24 बरे च उत्पादन दा मुल्ल कोई 1 लकख 27 जहार करोड़ रपे तोड़ी पुज्जी गया ऐ जेड़ा जे पिच्छले माली बरे दे उत्पादन मुल्ल दे मकाबले 16 अशारिया 8 फीसद मता ऐ। सोशल मीडिया पोस्ट उप्पर जानकारी गी सांझा करदे होई रक्षा मंत्री राजनाथ सिंह होरें आखेआ जे प्रधानमंत्री नरेंद्र मोदी हूंदी अगुवाई च साल दर साल मेक इन इंडिया नमें मील दे पत्थर पार करा'रदा ऐ। श्री सिंह हों उद्योग जेदे च रक्षा सार्वजनिक क्षेत्र ते एहदे नै सरबंधित होरनें सार्वजनिक क्षेत्रें जेदे च रखा उपकरणों दा उत्पादन हूंदा ऐ ते होरनें निजी उद्योगों गी इस ताईं ममारखां दितियां न। उनें आखेआ जे सरकार भारत गी वैश्विक अगुआ रक्षा उत्पादन केंद्र बनाने लेई साजगार माहौल तैयार करने गितै बचने बज्झी दी ऐ।

<><><><><><>

### **Gallantry-Award**

राष्ट्रपति द्रौपदी मुर्मू होरें दिल्ली दे राष्ट्रपति भवन च रक्षा अलंकरण समारोह 2024 दे पैहले गेड़ च वीरता पुरस्कार प्रदान कीता। इस समारोह च मौजूद लोकें च उपराष्ट्रपति जगदीप धनखड़, प्रधानमंत्री नरेंद्र मोदी, रक्षा मंत्री राजनाथ सिंह, लोकसभा च विपक्ष दे नेता राहुल गांधी होर बी शामिल हे।



मते सारे आर्थिक तौरा पर वंचित न। उत्तर प्रदेश दे मुखमंत्रि योगी आदित्यनाथ होरें गी अपील करदे होई राहुल गांधी होरें हमदर्दी कन्नै इनें लोके गी मुआवजा देने लेई आखेआ तां जे इनें गी समें पर मदाद होई सके। दूसरी बक्खी भगदड़ दी जांच लेई गठित विशेष जांच टीम नै मुखमंत्रि आदित्यनाथ होरें गी 15 कागजें दी रिपोर्ट पेश कीती ऐ जेदे च प्रशासनिक अधिकारिणें ते कार्यक्रम च शामिल होने आले समेत तकरीबन 100 लोके दे बयाने दा ब्यौरा दिता गेदा ऐ। एह भगदड़ 2 जुलाई गी इक त्संग दौरान होई ही जेदी अगुवाई धार्मिक प्रचारक नारायण साकर हरि होरें कीती ही जिसी भोले बाबा दे नां कन्नै बी जानेआ जंदा ऐ।

<><><><><><><>

### **PM-Olympic-Court**

प्रधानमंत्री नरेंद्र मोदी होरें पेरिस च ओलंपिक्स च शामिल होने जा'रदे भारतीय खडारियें कन्नै मलाटी कीती ते एथलेटें कन्नै गल्लबात करदे होई श्री मोदी होरें मेद बुज्झी जे एह खडारी भारत दा मान बदांगन। उनें आखेआ जे ओलंपिक्स छड़ा जित लेई इक बड़ा मौका नेई मगरा किश सिक्खने दा बी इक मौका ऐ। श्री मोदी होरें आखेआ जे खडारियें गी अगगे बदिये जित हासल करना ते सारें विपरीत परिस्थितियें ते हालात गी इक पास्से रक्खिये जित उप्पर ध्यान केंद्रित करना लोड़चदा ऐ। खेड्ढ दी दुनिया च लगातार अभ्यास करने दी जरूरतें बारें चेता करदे होई श्री मोदी होरें खडारियें गी जित हासिल करने गितै हुनर उप्पर भरोसा रखने, सिखलाई, ते लगातार बेहतर प्रदर्शन उप्पर ध्यान देने दे बारे आखेआ। उनें भरोसा जताया जे सब्बै खडारी इस बारें सब्बै पराने रिकार्ड त्रोड़ी देंगन। उनें सब्बनें एथलीटें दी सराहना कीती ते उनेंगी देसै लेई किश करने दे मौके दे बारे चेता नुआया। प्रधानमंत्री होरें आखेआ जे इस समय सरकार नै भारतीय एथलीटें गी संपर्क दी असानी गितै पेरिस च भारतीय समुदाय गी सक्रियता ताई

प्रयास कीते न। श्री मोदी होंरें आखेआ जे मुल्खें दा 2036 बरे च ओलंपिक्स दी मेजबानी करने दी मेद ऐ ते इसा गितै लगातार खास करिये ढांचागत विकास च प्रयास कीते जा'रदे न।

<><><><><><>

### **Gaza-Ceasefire**

आम चुनाएं दे नतीजें मगरा रिषी सुनक होंरें अज्ज अपने पद थमां इस्तीफा देई दिता। इक्क बारी अपने उत्तराधिकारी गी चुनने दी औपचारिक व्यवस्था होई जाने मगरा ओह कन्जरवेटिव नेता दे तौरा उप्पर बी ओहदा छोड़ी देंगन। टोरीज दी हार दी जिम्मेदारी स्वीकार करदे होई सुनक होंरें पार्टी दे इस हरान करने आहले प्रदर्शन लेई मतदाताएं शां माफी मंगी।

<><><><><><>

### **Jitendra-Fatty Liver**

साइंस ते टेक्नोलाजी केंद्री मंत्री डॉ. जितेंद्र सिंह होंरें आखेआ ऐ जे फैटी लीवर दे बक्ख-बक्ख चरणें दा पता लाने लेई सौक्खा, घट्ट लागत आली जांच फौरन विकसित करने दी जरूरत ऐ। डॉ. सिंह होंरें अज्ज नमीं दिल्ली च इंस्टीच्यूट ऑफ लीवर एंड बिलीरी साइंसेस च मेटाबोलीजम लीवर रोगें दी रोकथाम ते इलाज लेई इंडो फ्रेंच लिवर ते मेटाबालिक डिजीज नेटवर्क दा लोकार्पण करदे होई एह गल्ल आक्खी। उनें आखेआ जे एहदा मकसद सामान्य मेआबालिक लीवर रोगें ते गैर अल्कोहल फैटी लीवर रोग दा समाधान करना ऐ। उनें आखेआ जे हर त्रीए भारतीय गी फैटी लीवर दी दिक्कत ऐ जेड़ी टाइप-2 मधुमेह ते होर दुए मेटाबालिक विकारें थमां पैहले हुंदा ऐ।

<><><><><><>

### **PM-Keir Starner**

प्रधानमंत्री नरेंद्र मोदी होंरें ब्रिटेन दे संसदीय चुनाएं च लेबर पार्टी दी शानदार जित तगरां पार्टी नेता कीर स्टार्मर होंरें गी मुबारकबाद दिती ऐ। मोदी होंरें आखेआ जे ओह भारत ब्रिटेन व्यापक रणनीतिक सांझेदारी गी हौर मजबूत करने लेई उंदे सकारात्मक ते रचनात्मक सहयोग दी मेद करदे न। मोदी होंरें भारत ब्रिटेन रिश्ते च सकारात्मक मजबूती लेआने लेई रिषी सुनक हुंदा बी आभार प्रगट कीता।

<><><><><><><>

### **Gaza-Ceasefire**

इज्राइल दे प्रधानमंत्री बेंजामिन नेतन्याहू होंरें गाजा च हमास दे कन्ने युद्ध विराम समझौते ते कैदिएं दी रिहाई पर गल्लबात लेई इक प्रतिनिधिमंडल भेजने दी मंजूरी देई दिती ऐ। एह गल्लबात मिस्र जां कतर च होने दी मेद ऐ। एहदे शा इक्क दिन पैहले अमरीका दे समर्थन आले कतर ते मिस्र दे मध्यस्थे इजरायली दे प्रस्तावे पर हमास दी प्रतिक्रिया दस्सी ही। शुरूआती चर्चा दे बाद प्रधानमंत्री नेतन्याहू होंरें डेलीगेशन भेजने दी मंजूरी देई दिती।

<><><><><><><>

### **Sampoornata**

जम्मू-कश्मीर खिते दे पूरे पराते विकास दे मददेनजर जिला प्रशासन रामबन नै डिप्टी कमिशनर बसीर उल हक चौधरी हुंदी अगुवाई च कल खारी ब्लाक च विकास तांग आहले आकांक्षी ब्लाक प्रोग्राम ए.बी.पी तैहत सम्पूर्णता अभियान दी शुरूआत कीती। एहदा उद्देश्य विकास दी विनाह उप्पर पिछड़े दे क्षेत्रे दे प्रदर्शन च सुधार लेआना ते समावेशी विकास च मदाद लेई संसाधनें दा विकास करना ऐ। प्रोग्राम दी प्रधानता रामबन दे डीडीसी प्रधान डा. शमशाद शान होंरें डिप्टी कमिशनर बसीर उल हक चौधरी नीति आयोग दे सीनियर साइंटिस्ट जगदीश कुमार होंरें कीती। इस मौके पर बोलदे होई डीडीसी प्रधान होंरें आखेआ जे सम्पूर्णता अभियान विकास दे बश्कार दे छिंडे गी

खत्म करोग ते सब्बनें लोकें गी बुनियादी सहूलतां ते उंदे जीन जीने दे तरीके च सुधार करोग। इस मौके डिप्टी कमिशनर होरें आखेआ जे शिक्षा गै इकमात्र जरिया ऐ जेदे राएं अस महिलाएं ते कुड़ियें दी योग्यता गी होर सशक्त करी सकने आं। असेंगी महिला साक्षरता गी हर इलाके तगर पजाइये उनेंगी आत्मनिर्भर बनाना लोइचदा ऐ। नीति आयोग दे वरिष्ठ वैज्ञानिक होरें इस मौके आखेआ जे आकांक्षी ब्लॉक प्रोग्राम दी शुरूआत प्रधानमंत्री नरेंद्र मोदी होरें 2023 बरे च कीता हा। एहदा उद्देश्य हर इक आकांक्षी ब्लाक तगर सेहत, खान-पान, शिक्षा, पीने आहला पानी, साफ-सफाई, कृषि ते होर दुइयें बुनियादी सहूलतें गी पजाना ऐ। नीति आयोग नै 4 जुलाई थमां 30 सितंबर 2024 तगर सम्पूर्णता अभियान दी शुरूआत कीती ऐ।

<><><><><><>